



Inatsisartunut ilaasortaq
Knud Fleischer, Kattusseqatigiit Partiiat

Utoqqalinersiutit akit qaffakkiartornerat malillugu iluarsineqartarnersut pillugu § 37 naapertorlugu apeqqut.

Asasara Knud Fleischer,

Utoqqalinersiutit akit qaffakkiartornerat malillugu iluarsineqartarnersut pillugu apeqqutinnut qujanaq.

Tassunga ima akissuteqartoqarsinnaavoq:

Utoqqalinersiutit tunngavimmikkut annertussusaat utoqqalinermi pensionisiat pillugit inatsisartut peqqussutaat naapertorlugu iluarsineqartarput takuuk. § 7, imm. 3. Atuisunut akigititamut naleqqersuut Kalaallit Nunaanni Naatsorsueqqissaartarfiup pisortatigoortumik saqqummersittagai tunngavigalugit, akit nalimmassaavigineqartarput. Atuisunut akigititamut naleqqersuut, akinut qaffariaataasoq appariaataasorluunniit 3 pointinik ilivitsunik naleqalersimani tamaasa, utoqqalinermi pensionisiassat aningaasartaat 3 %-imik qaffanneqarsinnaapput imaluunniit apparneqarsinnaapput. Akit allannguutaat 1. juli atuisunut akigititamut naleqqersuutit tunngavigalugit, 1. januar tulliuutoq siulleq aallarnefigalugu akinik iluarsiiisutit atuutilersinneqartassapput.

Atuisunut akigititamut naleqqersuutip ulloq 1. juli 2011-mi 3 pointit inorsimavai. Tamatumalu kinguneraa, utoqqalinersiutit tunngavimmikkut annertussusaasa ulloq 1. januar 2012-imi nalimmassaavigineqarsimanninnerat.

Allannguinnissaq tulliuutoq pissaaq ulloq 1. januar 2013-imi, akit allannguutaat atuisunut akigititamut naleqqersuut ulloq 1. juli 2012-imi minnerpaamik 3 pointinik aatsaat qaffassimappat taama pisoqassaaq. Maannakkut Kalaallit Nunaanni Naatsorsueqqissaartarfiup tamanna pillugu nalunaarutissaa utaqqimaarparput.

Inussiarnersumik inuulluaqqusillunga

Mimi Karlsen

01. oktober 2012
Suliap nr. 2012-073464
All.Upp. Nr. 1025256

Postboks 260
3900 Nuuk
Oqa: (+299)34 50 00
Fax: (+299)34 66 66
E-mail: ikinn@nanoq.gl
www.nanoq.gl